

Classe bilingua nova a Laufen e Porrentruy

Avertura l'avust 2018

DA GUIU SOBIELA-CAANITZ

■ **Laufen/BL (5535 olmas) e Porrentruy/JU (6878 olmas), sper il cunfin cun l'Alsazia, faschevan part ensemen per tschiantaners dals medems pajais: L'emprim il principadi dals uvestgs da Basilea dapi il temp medieval, lura la Frantscha imperiala, lur il chantun Berna suenter il congress da Vienna.** Ussa suni en dus chantuns limitrofs differents cha han mess ad ir ensemen ina classe bilingua per la matura. «Scolaras e scolars giavischan adina dapli bilinguitad. Perquai han domadus chantuns decidì d'avrir ina segunda classe bilingua per la matura

cuminavla als gimnasis da Laufen e Porrentruy. Questa segunda classe rinforza in'offerta unica da furmazium per la giuventetgna d'amendus chantuns, davent d'avust 2018. Quella furmazium cuminaivla en ils gimnasis da Laufen e Porrentruy interessa adina dapli scolaras e scolars dal davos onn da scola avant il gimnasi, sco era quels da las classas suandantas. En il Giura han 29 s'annunziads per l'avust 2018; ins ha pudì admetter 20. Da la vart alemana han 20 s'annunziads; ins ha pudì admetter tuts. Per questas numerusas annunzias (...) han cuss. gov. Monica Gschwind (BL) e cuss. gov. Martial Curtet (JU) decidì da schlargiar l'offerta sin

duas classas novas per l'entschatta da l'onn da scola l'avust 2018 (...). Grazia a quella dumonda pli auta po la segunda classe pussibilitar a dapli scolaras e scolars d'acceder ad in curs biling unic per la matura en Svizra (...). Las classas dal curs franzostudestg frequentan l'instrucziun (...) ils emprim dus onns a Laufen, lura tschels dus a Porrentruy. A Laufen ils emprims dus onns prevala il tudestg sco lingua d'instrucziun, lura tschels dus il franzos a Porrentruy.»* En l'Alsazia limitrofa e tar ble-ras autras minoritads pon ins mo siemiari d'in tal sistem.

* <http://barfi.ch/News-Basel/Laufen-Neue-Klasse-fuer-bilinguale-Maturitaet>